



# Itangazo rigenewe abanyamakuru

## *Ikoraniro rya mbere ryo kuzirikana abahitanywe na coup d'État yo kuwa 5 Nyakanga 1973 mu Rwanda*

Italiki : 16 Kanama 2014

Aho bizabera : I Buruseli

### **Mu rwego rwo kuzirikana abahitanywe na coup d'État yo kuwa 5 Nyakanga 1973**

- Imiryango y'abazize ifatwa ry'ubutegetsu ku ngufu n'abasirikare mu Rwanda tariki 5 Nyakanga 1973 irazirikana abo bari barashakanye, ababyeyi babo cyangwa ba sekuru na sekuruza babo bishwe bunyamaswa bakorewe icyicwa rubozo n'abasirikare bari bamaze kwiha ubutegetsu, bakoresheje intwari.
- Iyi miryango yose ntiyigeze igira uburenganzira bwo kuyaga no gutabarwa. Hafi ya yose ntiyigeze imenya irengero ry'imirambo y'ababo. Birumvikana ko kubasezeraho no kubaherekeza bitashobotse.

### **Umuhango w'amasengesho wo guherekeza izo Nzirakarengane**

Imiryango yambuwe bunyamaswa abakuru bayo, ababyeyi cyangwa ba sekuru kubera ifatwa ry'ubutegetsu n'abasirikare tariki ya 5 Nyakanga 1973, yahise icuzwa uburenganzira bw'ibanze n'inshingano zo kwifatanya na bo ngo bakorerwe umuhango uwo ariwo wose wo kubasezeraho no kubaherekeza mu kwemera kwa buri wese.

Uyu muhango w'amasengesho ni uburyo bwo kubasezeraho no kubifuriza iruhuko ridashira.

### **Uburenganzira bwo kwera no kwirabura**

Nyuma y'imyaka 41 y'intimba, nta n'uburenganzira na mba bwo kuyaga cyangwa kuyagirwa twe basize inyuma twigeze tugira, igihe kirageze, ku babishoboye, ngo baruhuke ingoyi y'ibikomere bikibashegesha umutima.

Ni n'umwanya wo kwifatanya n'inshuti tugasangira ishavu, akababaro no kwizera, tukanagaruka ku kitwibutsa abacu. Ni umwanya kandi utagira uko usa wo gushimira ababasimbuye mu kutubera ababyeyi, kimwe n'abandi bose batugararije ko bifatanyije natwe muri ayo makuba.

### **Guha icyubahiro abacu**

Abapfakazi n'imfubayi ntibigeze bamenya imibereho ya nyuma y'abagabo babo, ababyeyi babo cyangwa ba sekuru. Imirambo ya hafi ya bose ntawamenyeshejwe icyo yakoreshejwe. Uyu muhango ni intangiriro y'ibikorwa n'hererekanya ryo kubazirikana bose. Ni intambwe ya mbere yo kubasubiza icyubahiro bakwiye; ubuzima bwabo, cyane cyane imibereho yabo ya nyuma kuri iyi si igashyirwa ahagaragara. Na none ni intambwe yo kuzabagera uburuhukiro nk'uko ukwemera kwabo n'umuco wacu ubyemerera ikiremwa muntu.

### **Abo wacaho:**

Alphonse MUNYANDAMUTSA  
+31 612720251  
tsalmyd@yahoo.fr

Eugène NDAHAYO  
+33 676758434  
ndahayo\_eugene@yahoo.fr

Anaclet TURATSINZE  
+33 651497549  
aunomdemonpaternel@gmail.com